

## Morning Dogri (NSD) National News Bulletin 26-07-2024

### आकाशवाणी

- 25में कारगिल विजय दिवस दे मौके प्रधानमंत्री नरेन्द्र मोदी होर 1999 ब'रे दे कारगिल युद्ध दे शहीदें गी कारगिल वॉर मैमोरियल पर श्रद्धाजलि भेंट करगंन।
- बीजेपी नै बिहार ते राजस्थान च पार्टी इकाइएँ दे नमें प्रधान नियुक्त कीते।
- भारती मौसम विभाग नै मुंबई च खरी मती बरखा दी संभावना दे चलदे कीता रैड अलर्ट जारी।
- भारत सरकार तरफा वजीफे दी सहूलियत दे चलदे 36 श्रीलंका दे विद्यार्थिं गी भारत च हिंदी पढ़ने आस्तै चुनेआ गेआ।
- भारती हॉकी टीम दी उम्मीद मजबूत, पंजाब थमां 10एं खडारिं गी पैरिस ओलंपिक टीम च शामिल।

<><><><><><>

### PM Modi-Kargil

प्रधानमंत्री नरेन्द्र मोदी होर अज्ज 25में कारगिल विजय दिवस दे मौके कारगिल वार मैमोरियल जांगन। मोदी होर देश आस्तै सर्वोच्च बलिदान देने आले सैनिकें गी श्रद्धाजलि भेंट करगंन। इक सोशल मीडिया पोस्ट च प्रधानमंत्री होरें आखेआ 'हर इक देशवासी लेई एह इक खास ध्याड़ा ऐ'। उनें आखेआ जे एह दिन देश दी रक्षा करने आलें गी चेता करने दा बेल्ला ऐ। उनें एह बी दस्सेआ जे शिंकुन ला सुरंग परियोजना पर कम्म अज्ज थमां शुरू होग। प्रधानमंत्री होर वर्चुअल राएं इस परियोजना दा पैह्ला ब्लास्ट तोड़ चाढ़गंन। एह परियोजना लेह कन्नै संपर्क मजबूत करने दे नजरियै कन्नै बड़ी महत्वपूर्ण ऐ।

<><><><><><>

## BJP Bihar

बीजेपी नै बिहार ते राजस्थान च पार्टी राज्य इकाइए दे नमें प्रधान नियुक्त कीते न। पार्टी आस्सेआ जारी इक ब्यान च दस्सेआ गोआ ऐ जे बिहार च राज्य विधान परिषद दे सदस्य दिलीप जयसवाल होरें सम्राट चौधरी हुंदी थाहर लैती ऐ, जेहड़े गै हुन उपमुख्यमंत्री न। राज्यसभा सदस्य मदन राठौर होरेंगी राजस्थान च बीजेपी दा प्रधान बनाया गोआ ऐ। उनें सी. पी. जोशी हुंदी थाहर लैती ऐ। पार्टी नै 6 राज्यें च पार्टी प्रभारी नियुक्त कीते न, जिंदे च असम च हरीष द्विवेदी, चंडीगढ़ च अतुल गर्ग, लक्षद्वीप ते तमिलनाडू च अरविंद मैन्नन, राजस्थान च राधा मोहन दास अग्रवाल ते त्रिपुरा च डॉ. राजदीप राय शामिल न। विजया राहतकार होर राजस्थान च ते सुधाकर रेड्डी होर तमिलनाडू च पार्टी सह-प्रभारी दे तौर पर कम्म करगंन।

<><><><><><>

## President

राष्ट्रपति द्रौपदी मुर्मू होरें कल अपने कार्यकाल दे 2 ब'रे पूरे कीते। इस मौके राष्ट्रपति होरें डॉ. राजेन्द्र प्रसाद केन्द्री विद्यालय च इक शिक्षक दी भूमका नभाई, स्कूल च जमात 9मीं दे विद्यार्थिंए कन्नै गल्लबात करदे होई राष्ट्रपति होरें पर्यावरण संरक्षण ते मौसम बदलाव दे सरबंध च खास जानकारी दित्ती। राष्ट्रपति होरें रूक्ख-बूहटें ते जानवरें दी दिक्ख-रिक्ख करने दे अपने तर्जुबे बी सांझा कीते। विद्यार्थिंए राष्ट्रपति हुंदे सुआलें दे गर्मजोशी कन्नै परते दित्ते ते अपने बचार बी उंदे सामने रक्खे।

<><><><><><>

## Jharkand

झारखंड विधानसभा दा मानसून सत्र अज्जै थमां शुरू होआ'रदा ऐ। सत्र 2 अगस्त तगर चलोग ते एहदियां 6 बैठकां होंगन। चुनां थमां पैहले 5मीं झारखंड विधानसभा दा एह खीरी सत्र होग। सत्र दे हंगामेदार रौहने दी मेद ऐ की जे विपक्ष भ्रष्टाचार, बिगड़दी कनून बवस्था ते घुसपैठ जनेह बक्ख-बक्ख मुद्दें पर झारखंड मुक्ति मोर्चा दी अगुवाई आली सत्तारूट गठबंधन गी घेरने दा फैसला कीता ऐ।

<><><><><><>

## CBI Cocaine

केन्द्रीय जांच अजेंसी—सीबीआई नै नमीं दिल्ली दे इंदिरा गांधी अंतर्राष्ट्रीय हवाई अड्डे थमां लगभग 6 किलोग्राम कोकिन कन्नै भारतीय मूल दे वर्मन नागरिक गी फगड़ेआ ऐ। अरोपी दोहा थमां नमीं दिल्ली जा'रदा हा। कसेकिन गी 2 खड़ोने दे अंदर छपैलियै रक्खेआ गेदा हा। मामले दी जांच सीबीआई करा'रदी ऐ।

<><><><><><>

## US President

व्हाईट हाउस नै जानकारी दित्ती ऐ जे अमरीका दे राष्ट्रपति जो बाइडेन इस ब'रदे भारत च होने आले क्वाड मुखें दे सालाना शिखर सम्मेलन च हिस्सा लैंगनं व्हाईट हाउस दे राष्ट्रीय सुरक्षा संचार सलाहकार जॉन किर्बी होरें वाशिंगटन च इक संवाददाता सम्मेलन च पत्रकारें गी दस्सेआ। बाइडेन राष्ट्रपति चुनां दी द्रोड़ च नेइं हैन, इस करी ओह ऐसे नेकां कार्यक्रमें च हिस्सा लेई सकदे न। भारत इस ब'रे क्वाड शिखर सम्मेलन दी मेजबानी करने जा'रदा ऐ। क्वाड मुखें च आस्ट्रेलिया, जापान, भारत ते अमरीका शामिल ऐ। अपने राष्ट्रपति कार्यकाल दे पैहले 100 दिनें च बाइडेन होरें 2020 च क्वाड मुखें दा वर्चुअल शिखर सम्मेलन आयोजित कीता हा।

<><><><><><>

## Kerala Nipah Virus

केरल दी सेहत मंत्री वीणा जॉर्ज होरें आखेआ ऐ जे निपाह वायरस दे संक्रमण करी 14 ब'रे दे इक जागते दी मौत मगरा ओहूदे संपर्क च औने आले 8 जनें दी जांच करोआई गई ही, जिंदी रिपोर्ट च इस वायरस दा संक्रमण नेईं पाया गेआ ऐ। मंत्री होर मलपपुरम जिला कलेक्टरेट च कल इक ऑनलाइन बैठक दी अध्यक्षता करा करदियां हियां। दो जनें दी मंजूरी ते कोजिकोडे मैडिकल कालेज भर्ती करोआया गेआ हा ते दौनें अस्पताले च भर्ती मरीजें दी गिनतरी 8 पुज्जी गई ऐ। निपाह वायरस करी जिस जागत दी मौत होइ गई ही, ओहूदे संपर्क च आए दे लोकें दी सूचि तैआर कीती गई ऐ जेहूदे च 472 लोक शामिल न ते 220 लोक हाई रिस्क पर न।

<><><><><><>

## IMD

भारती मौसम विभाग नै मुंबई च अज्ज खरी मती बरखा होने दी संभावना दे चलदे रैड अलर्ट जारी कीता ऐ। पुलस नै मुंबई वासिएं गी घरै अंदर गै रौहने दी हिदायत दित्ती ऐ जिसलै तोड़ी बड़ा जरूरी नेई होए। उनें मुंबई वासिएं गी आपातकालीन स्थिति च 100 जां 112 पर कॉल करने आस्तै आखेआ ऐ। 11 हवाई डोआरियां रद्द ते 10 दूई डोआरियां दा मुंबई थमां नेडमे हवाई अड्डे तोड़ी रस्ता बदलेआ गेआ। महाराष्ट्र दे मुखमंत्री एकनाथ शिंदे होरें स्थिति दा जायजा लैता, रायगढ़ दे डीसी गी सदियै हाड़ प्रभावत लोकें दी मदद करने आस्तै आखेआ। पस्सी पौने करी तमहिनी घाट रायगढ़-पुणे रस्ते पर गड्डिएं दी आओजाई रोकी दित्ती गई ऐ। राश्ट्री आपदा प्रतिक्रिया बल ते राज्य आपदा प्रतिक्रिया बल राहत कम्मं च लग्गे दा ऐ जदके सेना गी हवाई रस्ते लोकें दी सुरक्षत दूई थाहर पजाने आस्तै आखेआ गेआ ऐ।

<><><><><><>

## Srilanka

श्रीलंका दे 36 विद्यार्थिएं गी भारत च हिंदी पढ़ने आस्तै चुनेआ गेआ ऐ। उनें भारत सरकार आस्सेआ वजीफा दित्ता जाग। वजीफे च पाठ्यक्रम दा शैक्षणिक शुल्क ते होर दुइयां जरूरतां शामिल न। 9 म्हीने दा एह पाठ्यक्रम आगरा दे केन्द्रीय हिंदी संस्थान च अगले म्हीने थमां शुरू होग। श्रीलंका च भारत दे उच्चायुक्त ते संतोझ झाा होरें भारत रवाना होने थमां पैहले विद्यार्थिएं कन्नै गल्लबात कीती ते उनेंगी शुभकामनां दित्तियां। उनें दौनें मुख्खें बशकार सांस्कृतिक, भाषाई, साहित्यिक ते धार्मिक सरबंध गी मजबूत करने च हिंदी भाषा ते साहित्य दी भूमका दा महत्व दस्सेआ। पिछले 13 ब'रे च श्रीलंका दे 170 थमां मते विद्यार्थिएं गी विदेश च हिंदी दा प्रचार नामक इस छात्रवृत्ति कन्ने सम्मानत कीता गेआ ऐ।

<><><><><><>

## Olympic Hockey

पैरिस ओलंपिक खेड्डें दा इंतजार अज्ज खत्म होइ गेआ ते हुन मुख्ख दे लोक भारतीय खडारिएं थमां तगमे दी मेद करा'रदे न। भारतीय हॉकी टीम नै 10 खडारी पंजाब थमां न।



मगरा सेना प्रमुख होर अज्ज मनाए जा'रदे कारगिल विजय दिवस दे रजत जयंति समारोह  
च हिस्सा लैने लेई कारगिल रवाना होए।

<><><><><><>